



22. Oktober 2020

UKA 2020/72

Atuarfeqarnek ilinniartitaanerlu pillugit aqqissuusseqqinneq pillugu nassuiaammik Inatsisartut UPA2021-imi ataatsimiinissaanni saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaatus siunnersuut.

(Inatsisartunut ilaasortaq Jens NapätôK', Partii Naleraq)

Siullermik Inatsisartunut ilaasortaq, Jens NapätôK', Partii Naleraq qutsavigaarput Atuarfeqarnek ilinniartitaanerlu pillugit aalajangiiffigisassatus siunnersuummik saqqummiussimmat.

Taamatuttaarlu Naalakkersuisut akissuteqaatiminni taakkartugaat suliassat assigiinngitsut naammassiniarneqartussatus siunniunneqarsimasut qujassutigaaavut.

Partii Naleqqamiit siunnersuuteqartoq isumaqatigilluinnarparput oqarmat. Isuaaneq aallartippoq, "Atuartitaaneq ilinniartitaanerlu pitsaaneerpaaq anguniarlugu sinaakkusersuinissarput aatsaat taama pingaaruteqartigaaq. Inuiaat kalaallit nunap inui nunarsuarmioqataalersimavugut nunatsinni qallunaat kalaallillu kisiisa silarsuaariunnaarlugit inissisimalersimalluta. Taamaammat meeqqat atuarfiata naleqqussartuarluni ingerlalluarnissaa pisariaqaannarani pingaaruteqarlunnarpoq." Isuaaneq naavoq.

Ukiuni kingullerni arlaqalersuni Atuartitaaneq Ilinniartitaanerlu pillugit Naalakkersuisut aqqissuusseqqillutik suliaqartut tusartarpavut, maannakkullu ajuusaarnaraluartumik naluuvipparput suliaqarnerminni sumut killinnersut, aasap ingerlanerani Ilinniartitsisut katuffiata IMAK-ip qularnangitsumik partiit tamatta attaveqarfigaatigut Atuartitaaneq Ilinniartitaanerlu pillugit Naalakkersuisut aqqissuusseqqinnerat pillugu ataatsimeeqatigiumalluta, Partii Naleqqamiillu naapippavut pissarsinaqisumillu ataatsimeeqatigalugit. Tassani paasitinneqarpugut aqqissuusseqqinnermi nunatta siunissaanut taama pingaaruteqatigisumi IMAK aallaqqaataaniit peqataatinneqarsimangitsoq aammalu naalaartuinnartut allaat inissisimatinneqarluni peqataatinneqalersimasoq.

Ullumikkut pisariqartut ilagaat meeqqat atuarfianni atuartitseriaatsit aammalu ilinniutit meeqqanut ullutsinnullu naleqquttut piginissaat, tamakku tamaasa eqqarsaatigalugit aqqissuuseqqinneq ingerlaqqittariqarpoq, ilinniartitsisut aammalu atuarfiit pisortaasa qanoq pikkorissuseqarnissaanut tunngasut kisiisa pinnagit. Partii Naleqqamiit qularutigingilarput nunatsinni ilinniartitsisorpassuit pikkorissut pingalutigit, aammalu atuarfiit pisortaat aqutsinissaminnut piginnaaneqarluartut pingalutigit.

Immaqa taakkununga pingaarnerpaavoq atuarfinni suilffigisaminni avatagiisit pitsaasut pilersinnissaat aammalu atuartitsisarnermi sakkussat atortussallu naleqquttut pigisarilernissaat. Taamaammat Partii Naleqqamiit Naalakkersuisunut kaaammattuutigissuarput aqqissuusseqqinnermi ilinniartitsisut kattuffiat IMAK aqqutigalugu peqataatinneqarlunnissaat qulakkerniaqqullugu, taamatullu Inuutissarsiutitigut ilinniarfiit aammalu ilinniarfiit ingerlaaqiffiusut peqataalluarnissaat qulakkeeqqullugit.

Partii Naleqqamiit isumaqarpugut Inuiaqatigiinni atuartitaanermi Ilinniartitaanermilu suleqataasorpasuit misillitagaat aqqissuusseqqinnermi tusaassallugit pingaaruteqarlunnarpoq, aamma toqqaannartumik peqataatissallugit pissusissamisuussagaluartoq. Aqqissuusseqqinnerit suulluunniit sussasaqartunik innuttaasunillu killilimmik peqataatitsiviusartut soqutigineqarnerat killilerujussuussarput, aqqissuusseqqinnerilli sussasaqartunit peqataatitsiviusut innuttaasunillu peqataatitsiviusut inuiaqatigiinni



partii naleraq

sunniuteqarnerpaasarput atorluarneqarnerpaasarlutillu, taamaappoq innuttaasugut tamatta aaqqissuussinernut assigiinngitsunut peqataatinneqaraagatta suleqataanikkut piginneqataasutut misigisimasaratta, tassaavorlu qamuuna misigalugu peqataaneq akisussaaqataanerlu. Taamatut peqataatitsinissaq Atuartitaanikkut Ilinniartitaanikkullu aaqqissuuseqinnerup anersaarisariaqarpaa. Neriuppugullu aaqqissuuseqqinneq peqataatitsiviullarluni ingerlaaqissasoq.

Ullumikkut inuiaqatigiit killifitsinni atuartitaanikkut ilinniartitaanikkullu ataqaatigiissaarilluarnissaq pisariqarpoq, meeqqat atuarfianniit inuussutissarsiutitigut ilinniartitaanernut aammalu ilinniartitaanernut ingerlaqqiffiusunut ikaarsaariarnermi ajornartusiutaasartut aaqqinniartariqarpavut, taamaalilluta meeqqat atuarfianniit ingerlaqqinngitsoortartut nungutivinnissaat anguniartariaqaratsigu. Ullumikkut suli atuarfimiit soraarummeerlutik anisartut ingerlariaqqinnissaminnut periarfissaqanngitsut kisitsinngorlugit amerlavallaarujussuarput, paasisavut naapertorlugit allaat ingerlaaqittussaagaluit 68% -tii meeqqat tuarfianniit anisut ingerlaaqinngitsoorlutik suffissaarutivittalerput, tamanna akuerineqarsinnaanngilaq inuusuttunnguit susinnaajunnaarsissinnaanngilavut ilaqutaannullu ajornartorsiutinngortillugit pisortaniit ilinniarfissaqartinneqanngimmata suliffissaqartinneqanngimmatalu. Allaat ullumikkut inuusuttut 18-iniik 30-vit tungaanut ukiullit 3000 missaaniittut sulerinersut ilisimaneqanngillat. Ukiuni kinglorni taakkorpiat nilliaatigilerpavut suli susoqanngilaq, ajorpoq taama soqutingittaatsigisinnaanngilagut.

Nunatsini aammalu inuiaqatigiinni ineriartornitsinni meerartatsinnut aammalu ilinniarfinnut piumasaaqatigut atuagarsornerinnarmut tunngavallaalersimannginnerpat? Qaffasissumik anguniagaqarneq ajunngilluinnarpoq, kisianni inuiaqatigiinni aamma pisariaqartitat allat nunap inuikut naleqqussaaffigalugit taamatullu nunarsuarmioqatitsinnut unammillersinnaasumik inissisimanerunissaat anguniartuartaqarput, taamaammallu aaqqissuuseqqinnerit assigiinngitsut ullutsinnut naleqqussakkat pinngitsoorsinnaanngilagut.

Aqqissuuseqqinneq pillugu nassuiaammik 2021-imi Naalakkersuisut inatsisartunut saqqummiussaqaarnissaat pisariaqaannarani pingaarutilerujussuuvoq, inuiaqatigiini ilinniartitaanikkut killiffippat naalakkersuinikkut suliaqatunit ilisimaneqarluni oqallisigineqartuarnissaa piariqarmat minneunngitsumik inatsisiliortut Inatsisartut eqqarsaatigalugit.

Tamakku tamaasa eqqarsaatigalugit siunnersuuteqartoq tamakkiissumik taperserlugu siunnersuutip aappassaaneerineqannginnermini ataatsimiititaliamut susassaartumut suliassanngortinnissaa innersuusstigaarput.

Hans Enoksen, Partii Naleraq